

Ministry ouschi La sawntee

# Apray Toon COVID-19 Cheestahouwin

Version 2.0 Maar 29, 2021

## Kaykwawy kiitatayihtaakwun didawn keestwawm awtist en zhournee?

- Nawut oohin mawna mooshihtawina tapishkoot li pwaen, mihkoupayiw, pawkipayihk ita aen nijweey ka maykawtayk, ayeshkoushihk, li mal di tet, li nayr li pwaen, nanihkachiwin, li zhwaen li pwaen, akwa apisheesh la fyayvr.
- Siirieu mooshihtawina si baen rawr. Taypwayhkun toon li doktoer keema la nurse pamihwayw keema itouhtay araw li emergency l'ofiss kiishpin ki mooshihtawn pikou ishi oohin ki muypitikoun ayishpayiwin didawn trwaa d'zhournee ka maykawiwin ooma cheestahouwin: mooshkipayiw, pawkipayihk ki kwawkun keema la boush, si jeur mawyipukitatawmouhk, mitouni wawpinaywshiwin akwa siirieu ayeshkoushiwin, mishtahi la fyayvr (ayiwawk 40°C), doochipitikoon keema ouchipitikoowin, keema kootaka siirieu etamahchihouwina (tapishkoot "li zipaenyg akwa aen nijweey" keema kiishkimishin).
- Ôma AstraZeneca/COVISHIELD cheestahouwin mamaawinitowin avek mitouni si baen rawr mooshihtawin nishihtohchikatew ishi [Cheestahouwin-Itochikemakan Prothrombotic Immune Thrombocytopenia \(VIPIT\)](#). Kiishpin ki mooshihtawn pikou ishi oohin etamahchihouwina apray ka maykawiwin ooma cheestahouwin si voo play natouna shaenmawk medical tretmaan: mawyipukitatawmouhk, aen pwaen dawn nistamaw, pawkipayihk keema kawachin dawn li braw keema en zhawnb, noo poonipayiw li vawnr aen pwaen, vilaen keema il i peer li mal di tet keema noo kwayesh kiwawpin, keema mischayt pchee mashinahoukoushin, roozh keema vyalet nwaenr li tash keema li sawn aen boufeed doo awntsoor la poo.

## Kiyawpit chin aen pimitishahaman COVID-19 li piblik la saantii la sort?

- Ooma cheestahouwin aykwawnima kiyawpit nawut ka kenawaymishooyin pakwatem COVID-19. Apray ou baen doun chi-outinamen ouschi ooma COVID-19 cheestahouwin pikou aen kiyawpit pimitishahaman oohin COVID-19 la sort, tapishkoot pootishkamin en mask, aen sipaarii ka kanawayimshook akwa ka kisheepaykishchihchayin.
- Pishkawpastahk poor etamahchihouwina ouschi COVID-19 akwa meena outina aen test kiishpin etamahchihouwina wawpahchikawtayw.

**Tawnshpee aen ki touhtayawn poor moon keestwawm chi-otinamen?**

- Kiya pikou chi-otinamen deu cheestahouwin ka mitouni cheestahoukawayin. Kiishpin ooma neekawn chi-otinamen ouschi ooma COVID-19 cheestahouwin, kayschinahow aen keestwawm chi-otinamen ka weestamakayhk ouschi la plass poor li doktoer keema napwaenmawn aen system. Paytaw toon cheestahouwin maashinahikaywin kaw maykawayin anoosh ishi toon keestwawm napwaenmawn.